





**XOOSSAAPPE YIYA
MISHIRAACHUWAA!**



Ha brooshuree maaddiyo ogiyaa:

Ha brooshuree neeni Xoossaa Qaalaa, Geeshsha Maxaafaa tamaanau maaddana. Ubba menttotu wurssettan de'iya xiqiseti borxu gi xaafettida oyshatuyyo zaaruwaa neeni Geeshsha Maxaafan nabbabana sohuwaa bessoosona.

Geeshsha Maxaafan he xiqiseta nabbabiyo wode, ha oyshata waati zaariyaakko qoppa. Yihoowa Markkatuppe issi uri Geeshsha Maxaafaa qofaa birshshi yootiyoogan nena ufayssan maaddana.  *Luqaasa 24:32, 45 nabbaba.*

Xiqiseta Geeshsha Maxaafaappe waata koyana danddayay?

Hagee Geeshsha Maxaafan de'iya **maxaafaa** bessees.

Ha paydoy neeni kessana **shemppuwaa** bessees.



Yohaannisa 17:3 nabbaba.

Ha paydoy woy paydoti neeni nabbabana **xiqisiyaa woy xiqiseta** bessees.

YOHANNISA 16:33—17:24

intte waayettana. SHin minnite; taani sa7aa xoonas” yaagiis.

17 Yesuusi hegaa haasayidoogaappe guyyiyan, pude saluwaa xeelidi, hagaadan yaagiis; “Aawau, wodee gakkiiis; ne Na7ai nena bonchchana mala, neeni ne Na7aa bonchcha. **2** Aissi giikko, neeni ayyo immido ubbau merinaa de7uwaa i immana mala, asa ubbaa bollan ayyo maataa immanas. **3** Asai nena issi Xoossaa gididaagaa erana malanne, qassi neeni kiittido Yesuus Kiristtoosa erana mala, hagee merinaa de7o. **4** Neeni taayyo oottanau immido oosuwaa polada,

Xoossaappe Yiya Mishiraachuwaal!
Good News From God!
Usuppune 2018 Attamettidaagaa

Wolaita (fg-WL)

© 2012

WATCH TOWER BIBLE AND TRACT
SOCIETY OF PENNSYLVANIA

Attamissidaageeti

© Wachturm Bibel- und
Traktat-Gesellschaft, Selters/Ts.

Made in Germany

Ha xuufee bayzettiyaaba gidenna. Kumetta sa'an Geeshsha Maxaafaa tamarissanawu giigissiyobaappe issuwaa gidishin, he oosoy asay ba dosan immiyo miishshan oosettes. Miishsha immanawu koyikko, www.jw.org xomoosa.

Hara qonccisoy imettana xayikko, xiqiseti ekkettidoy Wolaytatto Geeshsha Maxaafaappe. “NW” giyaagee xiqisee *Ooratta Alamiyaa Geeshsha Maxaafaappe* ekketidoogaa bessees.


Photo Credits: Page 6, top, Dead Sea Scroll: Shrine of the Book, Photo © The Israel Museum, Jerusalem; page 6, middle, and page 32, upper right, Greek Codex: From *The Codex Alexandrinus in Reduced Photographic Facsimile*, 1909, by permission of the British Library; page 16, Hitler: Based on U.S. National Archives photo


Akeekissuwaa: Ha brooshuriyan qonccida xuufeti ubbay Yihoowa Markkati giigissidoogeeta.

Mishiraachoy Aybee?


1

1. Xoossaappe yiya mishiraachoy aybee?


Xoossay asay sa'an ufayttidi de'anaadan koyees. I sa'aanne sa'an de'iya ubbabaa medhidoy asaa naata siiqiyo gishsha-taassa. I mata wode, ubba biittan de'iya asay sinttappe ufayssiya de'uwaaw de'anaadan oottana. I asaa naata metuwaappe shemppissana.  *Ermmaasa 29:11 nabbaba.*

Danuwaa, harggiyaa woy hayquwaa xayssana danddayida kawotetti baawa. SHin ufayssiya mishiraachoy de'ees. Xoossay asaa kawotetta ubbaa xayssidi ba kawotettaa essana. He kawotettau haarettiyaageeti sarotettan payya gididi de'ana.  *Isiyaasa 25:8; 33:24; Daaneela 2:44 nabbaba.*

2. Ha wodiyan mishiraachoy keehi koshshiyoy aybissee?

Xoossay iita asaa sa'aappe xayssiyo wode metoy xayana. (Sofonaasa 2:3) Hegee hananay awudee? Ha wodiyan asaa naatu bolli gakkiiya metoy Xoossaa Qaalan kasetidi odettiis. Ha wodiyan hanettiiddi de'iyaabay Xoossay metuwaanne tuggaa xayssiyo wodee matattidoogaa bessees.  *2 Ximootiyoosa 3:1-5 nabbaba.*

3. Nuuni ay oottana koshshii?


Nuuni Xoossaabaa a Qaalaa, Geeshsha Maxaafaappe ta-maarana koshshees. Geeshsha Maxaafay siiqiya aaway ba na'au xaafido dabddaabbe mala. Geeshsha Maxaafay nuuni ha wodiyaanne sinttappe sa'an merinaa de'uwaaw demmidi ufayssiya de'uwaaw waanidi de'ana danddayiyaakko yootees. Neeni Geeshsha Maxaafaa tamaariyoogaa issi issi asay dosen-nan aggana danddayees. SHin hara asau yayyada sinttappe yaana kehabaa aggana bessenna.  *Leemiso 29:25; Ajuutaa 14:6, 7 nabbaba.*




2


Xoossay Oonee?

1. Nuuni Xoossau goynnana koshshiyoy aybissee?

Tumu Xoossay ubbabaa Medhidaagaa. I merinaappe merinaa gakkanau de'yaagaa. (Mazamure 90:2) Geeshsha Maxaafan de'ya mishiraachuwau Pulttoy a. (1 Ximootiyoosa 1:11) Nuussi de'uwaa immiday Xoossaa gidiyo gishshau, nuuni a xallau goynnana koshshees.  *Ajjuutaa 4:11 nabbaba.*


2. Xoossay ay mala Xoossee?

Xoossay Ayyaana gidiyo gishshau ay asinne a be'i erenna; hegee, sa'an de'ya asaa naatuugaappe a de'oy aadhees giyoogaa. (Yohaannisa 1:18; 4:24) Gidikkokka, Xoossaa eeshshaa i medhidobaappe akeekana danddayoos. Leemisuwau, dumma dumma mittaa ayfeenne ciishshay, i siiqiyaagaanne aadhida erattay de'iyoojaa gidiyoogaa qonccissees. Saluwaanne sa'aa aahottay a wolqqaa qonccissees.  *Roome 1:20 nabbaba.*

Geeshsha Maxaafaa nabbabiyoogan Xoossaa eeshshaabaa darobaa tamarana danddayoos. Leemisuwau, Geeshsha Maxaafay Xoossay dosiyoobaanne ixiiyoobaa, i asaa waati oyqqiyaakko, asay lo"obaa woy iitabaa oottiyo wode, i waatiyaakko yootees.  *Mazamure 103:7-10 nabbaba.*

3. Xoossau suntti de'ii?

Yesuusi, "Saluwan de'iyaa nu Aawau, ne geeshsha *sunttai* anjjetto" yaagiis. (Maatiyoosa 6:9) Xoossaayyo daro boncho sunttay de'iyaaba gidikkokka, au issi suntta xallay de'ees. Dumma dumma qaalan he sunttaa, asay dumma dumma ogiyan xeegees. Wolaytattuwan he sunttay "Yihoowa" geetettees. SHin issi asay "Yahweh" yaagidi xeegees.

 *Mazamure 83:18 nabbaba.**

Asay Xoossaa sunttaa daro Geeshsha Maxaafaa birshshettatuppe kessidi, a sohuwan Godaa woy Xoossaa yaagidi xaafiis.

* "Ne xalaalal GODAA ["Yihoowa," NW] gidiyoogaa, neeni Ubbaappe Xoqqiya Xoossai sa'7aa ubbaa haariyoogaa eti erona."

SHin Geeshsha Maxaafay xaafettiyo wode, Xoossaa sunttay 7,000 gidiya sohuwan xaafettiis. Yesuusi Xoossaabaa asaa tamarissido wode, Xoossaa suntaa erissiis.

📖 *Yohaannisa 17:26 nabbaba.*

4. Yihooway nuussi qoppii?

Metoy daridoogee Yihooway nuussi qoppenna Xoossaa gidiiyoogaa bessi-yaabee? Issi issi asay, i nu bolli metoy gakkanaadan oottiyoy nuna paaccanaassa yaagees; shin hegee tuma gidenna. 📖 *Yaaqooba 1:13 nabbaba.*

Koyidobaa dooriyo maataa immidi Xoossay asaa bonchiis. Nuuni he maataa go'ettidi Xoossau oottiiyoogaa nashshana bessennee? (Yaasa 24:15) SHin daro asay harata qohiyaabaa oottanau koyiyo gishshau, metoy dariis. Hegaa mala iita oosuwaa Yihooway be'iyoy wode azzanees.

📖 *Doomettaabaa 6:5, 6 nabbaba.*

Yihooway nuussi qoppiya Xoossa. I nuuni ufayttidi de'anaadan koyees. Mata wode, i metuwaanne metuwau gaaso gidiiyaageeta xayssana. He wodee gakkanaashin, amarida wodiyau metoy de'anaadan i paqqadido gaasoy de'ees. He gaasoy aybakko, Timirtte 8n be'ana. 📖 *2 PHeexiroosa 2:9; 3:7, 13 nabbaba.*

5. Xoossaakko waanidi shiiqana danddayiyo?

Nuuni woosaa baggaara baakko shiiqanaadan Yihooway shoobbees. I nuna ubbaa maaddanau koyees. (Mazamure 65:2; 145:18) I nu nagaraa atto gaanau koyees. Issi issitoo nuuni qoppiyoogaadan hanana xayikkokka, nuuni a ufayssanau baaxetiyoogaa akeekees. Nuuni polo gidana xayikkokka, Xoossaakko shiiqana danddayoos.

📖 *Mazamure 103:12-14; Yaaqooba 4:8 nabbaba.*

Yihooway nuuyyo de'uwaaw immido gishshau, nuuni ooppenne aaruwan a shiiqana bessees. (Marqqoosa 12:30) Xoossabaa darobaa tamarada i koyiyoogaadan oottiiyoogan a siiqiyo wode, kaseegaappe aaruwan akko shiiqaasa.

📖 *1 Ximootiyoosa 2:4; 1 Yohaannisa 5:3 nabbaba.*

Ba na'aa siiqiya ha aawaagaadan, Xoossay nuna adussa wodiyau go"iyaabaa oottees




3


Tumuppe Mishiraachoy Xoossaappe Yii?

1. Geeshsha Maxaafaa xaafissiday oonee?


Asay sa'an merinau de'anaagaa yootiya mishiraachoy Geeshsha Maxaafan de'ees. (Mazamure 37:29) Geeshsha Maxaafan 66 guutta maxaafati de'oosona. Xoossay he maxaafata 40 gidiya ammanettida attuma asata go'ettidi xaafissiis. Koyro maxaafata ichashata Muusee xaafosappe 3,500 gidiya layttay aadhiis. Wurssetta maxaafaa kiitettida Yohaannis xaafosappe 1,900ppe dariya layttay aadhiis. Geeshsha Maxaafaa xaafidaageeti o qofaa xaafidonaa? Xoossay ba geeshsha ayyaanaa baggaara Geeshsha Maxaafaa xaafida asata haasayissiis. (2 Sameela 23:2) Eti xaafidoy bantta qofaa gidennan, Xoossaa qofaa. Hegaa gishshau, Geeshsha Maxaafaa xaafissidaagee Yihoowa.

 2 Ximootiyoosa 3:16; 2 PHeexiroosa 1:20, 21 nabbaba.

2. Geeshsha Maxaafaa xaafissiday Xoossaa gidiyoogaa waati erana danddayiyo?

Geeshsha Maxaafay sinttappe hanettana ubbabaa geeshshi yootiyo gishshau, xaafissidaagee Xoossaa gidiyoogaa eroos. Asi hegaadan oottana danddayenna. (Yaasa 23:14) Asaa naatu sinttanaa hanotaa suure yootana danddayiyay Ubbaa Danddayiya Xoossaa xalla.  Isiyaasa 42:9; 46:10 nabbaba.


Xoossay xaafissido maxaafay dumma gidana bessees; tumukka dumma maxaafa. Biilooniyan qoodettiya Geeshsha Maxaafay xeetan qoodettiya qaalaa asuu gakkiiis. Geeshsha Maxaafay xaafettoosappe takkidaba gidikkokka, tumu saynisiyaara moggees. Qassi Geeshsha Maxaafaa xaafida 40 asati issoy haraagaappe dummatiyaabaa xaafibookkona.* Hegaa bollikka, Geeshsha Maxaafay Xoossaa siiquwaa qonccissees; qassi asaa de'oy kaseegaappe giiga gidanaadan oottees. Ha hanotati, miilooniyan qoodettiya asay Geeshsha Maxaafay Xoossaa Qaala gidiyoogaa ammananaadan oottoosona.


 1 Tasalonqqe 2:13 nabbaba.

* Asa Ubbau Haniya Maxaafaa giya Amaaratto brooshuriyaa xeella.




3. Geeshsha Maxaafay aybaabaa yootii?

Geeshsha Maxaafay yootiyo waanna mishiraachotuppe issoy Xoossay asaa naatuyyo siiquwan halchidobaa. Asay sa'an merinau de'iyo maatay asaa naatu taarikiyaa doomettan waanidi attidaakko, qassi wurssettan sa'ay waanidi gannate gidanaakko Geeshsha Maxaafay yootees.  *Ajjuutaa 21:4, 5 nabbaba.*


Xoossaa Qaalay higgiiyaa, baaso siraataanne zoriyaakka oyqqiis. Qassi Geeshsha Maxaafay kase wodetun Xoossay asaa waati oyqqidaakko yootees; hegee nuuni Xoossaa eeshshaa eranau maaddes. Yaatiyo gishshau, Geeshsha Maxaafay neeni Xoossaa eranaadan maaddana danddayees. Geeshsha Maxaafay neeni Xoossaa dabbo gidana danddayiyo ogiyyaakka yootees.  *Mazamure 19:7, 11; Yaaqooba 2:23; 4:8 nabbaba.*

4. Geeshsha Maxaafay yootiyoobaa waata akeekana danddayay?

Ha brooshuree, Yesuusi go'ettidoogaa mala ogiyan neeni Geeshsha Maxaafay yootiyoobaa akeekanaadan maaddana. I Geeshsha Maxaafaa qofaa issuwaa haraara geeddarssiyoogan 'Xoossaa maxaafati giyoobaa' qonccissiis.

 *Luqaasa 24:27, 45 nabbaba.*

Xoossaappe yiida mishiraachuwaadan ufayssiyaabi he keena. SHin issi issi asay hegaa siyanau koyenna; qassi harati ubba hegan hanqqettoosona. Gidikkokka, hidootaa qanxxoppa. Neeni merinaa de'uwaa demmana danddayiyoy Xoossaa eriyooogaana.

 *Yohaannisa 17:3 nabbaba.*



4

Yesuus Kiristtoosi Oonee?



1. Yesuusa de'oy waani doommidee?

Yesuusi sa'an yelettanaappe kase, asaa naatuugaappe dumma gidida hanotan, saluwan ayyaana mereta gididi de'iis. (Yohaannisa 8:23) Yesuusi Xoossay koyro medhidoogaa gidiy gishshau, Xoossay ubbabaa medhiyo wode i aara issippe oottiis. Yihooway barkka medhidoy Yesuusa xalla gidiy gishshau, i Xoossaayyo “issi Na7aa xalaala” geetettiyoogee bessiyaaba. (Yohaannisa 1:14) Yesuusi Xoossaa gishshataa haasayiyo gishshau, ‘Qaalaa’ geetettidikka xeegettees.

📖 *Leemiso 8:22, 23, 30; Qolasiyaasa 1:15, 16 nabbaba.*

2. Yesuusi sa'aa yiidoy aybissee?

Xoossay Yesuusa de'uwaa Mayraamo geetettiya Ayhuda geela'ee uluwau aattiyooan ba Na'aa saluwaappe sa'aa kiittiis. Hegaa gishshau, Yesuusau ashuwan aawi baawa. (Luqaasa 1:30-35) Yesuusi (1) Xoossaabaa tumaa tamarissanau, (2) nuna metiyaabay gakkishinkka Xoossaa sheniya waatidi polana danddayiyaakko leemiso gidanau, qassi (3) ba polo de'uwaa aatti immiyooan nuna “wozanau” sa'aa yiis.

📖 *Maatiyoosa 20:28 nabbaba.*

3. Nuussi wozoy koshshidoy aybissee?

Wozoy issi ura hayquwaappe ashshanau qanxxiyooba. (Kessaabaa 21:29, 30) Asaa naati hayqqanaadaaninne harggaanaan Xoossay koyro halchibeenna. Hegaa waati eriyoo? Koyro bitanee, Addaamee Geeshsha Maxaafay “nagara” giyoobaa ootiyaaba gidikko, i hayqqanaagaa Xoossay ayyo yootiis. Hegaa gishshau, Addaamee nagaraa ootti-beennaba gidiyaakko, i mule hayqqenna. (Doomettaabaa 2:16, 17; 5:5) Addaame baggaara hayqoy

Asay Yesuusakko shiiqanaadan oottida a eeshshati awugeetee?

—MAATIYOOSA 11:29;
MARQOOSA 10:13-16.

ha sa'aa 'gelidoogaa' Geeshsha Maxaafay yootees. Yaatiyo gishshau, Addaamee ba zeretta ubbau nagaraanne nagaraa qixaatiyaa, hayquwaa laattissii. Nuuni Addaameppe laattido hayquwaa qixaatiyaappe naxa gidanau wozuwaa koshshees.

📖 *Roome 5:12; 6:23 nabbaba.*

Nuna hayquwaappe wozana danddayiyay oonee? Nuuni hayqqiyo wode, nu nagaraa xallau qixaatiyaa ekkoos. Polo gidenna asi hara asaa nagaraa gishshaa waagaa qanxxana danddayenna. 📖 *Mazamure 49:7-9 nabbaba.*

4. Yesuusi hayqqidoy aybissee?


Yesuusi nu mala gidenna, polo. I ayba nagaranne ootti-beenna gishshau, hayqqana koshshenna. Gidikkokka, Yesuusi hara asaa nagaraa gishshau hayqqiis. Xoossay ba Na'ay nu gishshaa hayqqanaadan sa'aa kiittiyoogan asaa naata keehippe siiqiyooгаа bessii. Yesuusikka ba Aawau azazettidi, ba shemppuwaa nu nagaraa gishshau aattidi immiyoogan nuna siiqiyooгаа bessii. 📖 *Yohaannisa 3:16; Roome 5:18, 19 nabbaba.*

5. Yesuusi ha wodiyan ay oottii?

Yesuusi sa'an de'iyo wode, harggidaageeta pattiis; hayqqidaageeta denttiis; qassi qohiyaabaappe asaa ashshiis. Yaatiyoogan, azazettiya asaa naatu ubbau sinttappe i oottanabaa bessii. (Maatiyoosa 15:30, 31; Yohaannisa 5:28) Xoossay Yesuusa hayquwaappe ayyaana mereta oottidi denttiis. (1 PHeexiroosa 3:18) Yesuusi kumetta sa'an haarana mala Yihooway au maataa immanaashin, Xoossaappe ushacha baggaara uttidi naagiis. (Ibraawe 10:12, 13) Yesuusi Kawo gididi saluwan ha"i haariiddi de'ees; qassi a kaalliyaageeti he mishiraachuwwaa sa'a yuushuwan yootiiddi de'oosona.

📖 *Daaneela 7:13, 14; Maatiyoosa 24:14 nabbaba.*

Yesuusi Kawo gidiyooagaan ba maataa go'ettidi, ubba metuwaanne metuwau gaaso gidiyaageeta mata wode xayssana. Yesuusayyo azazettiyoogan an ammaniya ubbay gannate gidiya sa'an de'uwwaa demmana. 📖 *Mazamure 37:9-11 nabbaba.*




5

Xoossay Sa'au Ay Halchidee?




1. Xoossay sa'aa medhidoy aybissee?

Yihooway sa'aa asaassi immiis. Sa'ay nuuni de'iyoo soho. Hegaa gishshau, koyro azinaynne machiyaa, Addaameenne Hewaana merettidoy saluwan de'anaadaana gidenna; Xoossay eta medhanaappe kase saluwan de'anaadan medhidoy kiitanchata. (Iyyooba 38:4, 7) Xoossay koyro bitanee Edene Gannatiyaa geetettiya lo''iya sohuwan de'ana mala yan wottiis. (Doomettaabaa 2:15-17) Addaameenne i yelana naati sa'an merinau ufayssan de'anaadan Yihooway halchiis.


 *Mazamure 37:29; 115:16 nabbaba.*


Koyro gannate gididay Edene gannate xalla. Koyro azinaynne machiyaa yelidi corattidi sa'aa kumanaadan azazettidosona. Takkidi, eti kumetta sa'aa haaranaadaaninne gannate oottaanaan azazettidosona. (Doomettaabaa 1:28) Sa'ay mule xayenna. Sa'ay merinau asaa naati de'iyooosa gidana.

 *Mazamure 104:5 nabbaba.*

2. Sa'ay ha''i gannate gidennay aybissee?

Addaameenne Hewaana Xoossau azazetibeenna gishshau, Yihooway eta gannatiyaappe kessiis. Gannatee xayiiis; ay asinne sa'ay zaarettidi gannate gidanaadan oottana danddayibeenna. He wodeppe doommidi sa'an iita asay de'ees.


 *Doomettaabaa 3:23, 24 nabbaba.*

Yihooway asaa naatussi koyro halchidobaa aggidee? Aggibeenna! I ubbaa danddayiya Xoossa. Ba halchidobaa polees. (Isiyaasa 45:18) I koyro qoppidoogaadan asaa naati de'anaadan oottana.  *Mazamure 37:11, 34 nabbaba.*

3. Sa'ay zaarettidi Gannate gidanay ayba ogiyaanee?


Xoossay sunttido Kawo gidiyooogaadan Yesuusi haariyo wode, sa'ay zaarettidi Gannate gidana. Armmageedoona giyo olan Yesuusi Xoossaa kiitanchata kaalettidi Xoossaa morkketa


ubbaa xayssana. Hegaappe simmin, Yesuusi Seexaanaa 1,000 layttuu qachana. Xoossaa asaa kaalettiyayne naagiyay Yesuusa gidido gishshau, eti bashshaappe attana. Yaatidi, eti Gannatiyan merinaa de'uwaa demmana.

 *Ajjuutaa 20:1-3; 21:3, 4 nabbaba.*

4. Metoy xayyanay awudee?

Xoossay sa'aappe iitabaa xayssanay awudee? Yesuusi wurssettay matattidoogaa erissiya 'malaataa' yootiis. Ha wodiyan alamiyan hanettiiddi de'iyaaabay asay kehi hirgganaadan oottiyaabanne nuuni 'wodiya wurssettan' de'iyoojaa bessiyaaba.

 *Maatiyoosa 24:3, 7-14, 21, 22 nabbaba.*

Yesuusi saluwan uttidi 1,000 layttaa sa'aa haariyo wode, ubbaa metuwaa xayssana. (Isiyaasa 9:6, 7; 11:9) Yesuusi Kawo gididi haariyoogaappekka haray, Qeese Ubbatu Halaqaa gididi oottiyo gishshau, Xoossaa siiqiyaageetu nagaraa atto giissana. Yaatiyoogan, Xoossay Yesuusa baggaara harggiyaa, ceegatettaanne hayquwaa xayssana.  *Isiyaasa 25:8; 33:24 nabbaba.*

5. Gannatiyan de'anay oonee?

Xoossaayyo azazettiya asay Gannatiyan de'ana. (1 Yohaannisa 2:17) Yesuusi bana kaalliyaaageeti ashkke asata koyidi, eti Xoossaa waatidi ufayssana danddayiyaakko tamarissana mala kiittiis. Sa'ay Gannate gidido wode de'ana miilooniyan qoodettiya asaa Yihooway ha wodiyan giigsiiddi de'ees. (Sofonaasa 2:3) Yihoowa Markkatu SHiiquwaa Addaraashan, asay lo"o azinanne lo"o aawa, qassi lo"o machonne lo"o aayo gidanau tamarrees. Naatinne yelidaageeti issippe goynnoosonanne mishiraachoy eta ayba ogiyan go"iyaakko tamarroosona.

 *Mikiyaasa 4:1-4 nabbaba.*



Xoossaa siiqiyaanne a waatidi ufayssanaakko tamaranau koyiya asaa neeni SHiiquwaa Addaraashan demmana

Gujo qofaa demmanau,
Geesha Maxaafay Nuna Ay Tamarissii?
giya maxaafaa shemppo 3 xeella.




6


Hayqqidaageetussi Ayba Hidooti De'ii?



1. Hayqqidaageeta xeelliyaaagan ayba mishiraachoy de'ii?


Yerusalaame matan de'iya Biitaaniyaa katamaa Yesuusi gakiyo wode, a laggee Al" aazari hayqqoosappe oyddu gallassay aadhiis. Yesuusi hayqqida bitaniyaa michontta gidida Marttiiranne Mayraamiira i moogettidosaa biis. Sohuwaara daro asay shiiqiis. Yesuusi Al" aazara hayquwaappe denttido wode, Marttanne Mayraama ay keena ufayttidonaashsha!

 *Yohaannisa 11:21-24, 38-44 nabbaba.*


Martta hayqqidaageetussi mishiraachoy de'iyooгаа erawusu. Yihooway hayqqidaageeta denttidi sa'an de'anaadan oottanaagaa a erawusu.  *Iyyooba 14:14, 15 nabbaba.*

2. Hayqqidaageeti ayba hanotan de'iyoonaa?

Asaa naati baanaappe merettidosona. (Doomettaabaa 2:7; 3:19) Nuuni ashuwaa maayida ayyaana mereta gidokko. Nu ashoy hayqqiyo wode, nuuppe kiyidi biyaabi baawa. Nuuni hayqqiyo wode, nu guuggee oottenna gishshau qoppana danddayokko. Hayqqidaageeti aybanne erenna gishshau, Al" aazari ba hayquwaabaa aybanne yootibeenna.

 *Eranchchaa 9:5, 6, 10 nabbaba.*


Xoossay hayqqida asaa taman barcheyii? Geeshsha Maaxaafay hayqqida asay aybanne erennaagaa yootiyo gishshau, si'ooliyaa tamaa giyoobay Xoossaa sunntaa mooriya, worddo timirtte. Asay taman barchetees giyo qofay i ixxiyooba.

 *Ermmaasa 7:31 nabbaba.*

Xoossay Addaama,
“Neeni baana;
neeni baanau
simmana” yaagiis.

—DOOMETTAABAA 3:19.


3. Hayqqidaageeti nuna haasayissana danddayiyoona?

Hayqqidaageeti haasayanaukka siyanaukka danddayokkona. (Mazamure 115:17) SHin issi issi kiitanchati iita gidiyo gishshau, hayqqida asaa milatidi asaa haasayissana danddayoosona. (2 PHeexiroosa 2:4) Nuuni hayqqida asaa oychenna mala Yihooway diggees.  *Zaarettido Wogaa 18:10, 11 nabbaba.*


4. Hayquwaappe denddanay oonee oonee?

Hayqqidi duufuwan de'iya miilooniyan qoodettiya asay sa'an de'anau denddana. Ubba Xoossaa erennaageetuppenne iitabaa oottida asatuppekka issoti issoti hayquwaappe denddana.

 *Mazamure 37:9; Oosuwaa 24:15 nabbaba.*

Hayquwaappe denddiyaageeti Xoossaabaa tumaa tamaarana; qassi Yesuusau azazettiyoogan an ammanana. (Ajjjuutaa 20:11-13) Hayquwaappe denddidi lo"obaa oottiyaageeti sa'an merinau de'ana.  *Yohaannisa 5:28, 29 nabbaba.*

5. Denddoy Yihoowabaa ay qonccissii?

Xoossay ba Na'ay nu gishshau hayqqanaadan kiittiyoogan hayqqidaageetuyyo hidootay de'anaadan oottiis. Hegaa gishshau, denddoy Yihoowa siiquwaanne a aaro kehatettaa nuussi qonccissees. Hayqqidaageeti denddiyo wode, oonaara gayttanau koyay?  *Yohaannisa 3:16; Roome 6:23 nabbaba.*



7

Xoossaa Kawotettay Aybee?



1. Xoossaa Kawotettay aybee?

Xoossaa Kawotettay saluwan de'iya ayso. He Kawotettay asaa kawotetta ubbaa xayssidi Xoossaa shenee saluwan hani-doogaadan sa'an hananaadan oottana. Xoossay ba Kawotettan hegaadan oottiyoogee mishiraacho. Asaa naati koyiyo lo"o aysuwaa Xoossaa Kawotettay mata wode ehaana. He Kawotettay sa'an de'iya asa ubbau issippetettay de'anaadan oottana.

📖 *Daaneela 2:44; Maatiyoosa 6:9, 10; 24:14 nabbaba.*

Kawotettau kawoy de'ana bessees. Yihooway ba Na'aa, Yesuus Kiristoosa Ba Kawotettau Kawo oottidi sunttiis.

📖 *Ajjuutaa 11:15 nabbaba.*

2. Yesuusi dumma Kawo gididoy aybissee?

Xoossaa Na'ay dumma Kawo; ayssi giikko, i kehanne lo"o gididabaa mintti kaallees. (Maatiyoosa 11:28-30) Qassi asaa maaddanau gidiya wolqqay au de'iyoo gishshau, i saluwan uttidi

sa'aa haarana. I hayquwaappe dendi simmidi, saluwaa biidi Yihoowayyo ushacha baggaara uttidi naaggiis. (Ibraawe 10:12, 13) Wurssettan, i haariyoogaa doommaanaan Xoossay au maataa immiis.

📖 *Daaneela 7:13, 14 nabbaba.*

Yesuusi dumma
Kawo gididoy
aybissee?


—MARQQOOSA 1:40-42.

3. Yesuusaara haaranaageeti oonee?

'Geeshsha asata' geetettidaageeti saluwan Yesuusaara haarana. (Daaneela 7:27) Koyro doorettida geeshsha asati Yesuusi kiittido ammanettida asata. Yihooway geeshsha asata geetettida ammanettida attuma asatanne macca asata hanno gakkanau dooriiddi de'ees. Eti Yesuusaagaadan ayyaana mereta gididi hayquwaappe dendoosona.


📖 *Yohaannisa 14:1-3; 1 Qoronttoosa 15:42-44 nabbaba.*

Saluwaa biya asay aappunee? Yesuusi eta ‘amarida dorssa wodiya’ yaagidi xeegiis. (Luqaasa 12:32) Eta qooday muleera 144,000. Eti Yesuusaara sa'aa haarana.

 *Ajjuutaa 14:1 nabbaba.*


4. Yesuusi haariyoogaa doommido wode hanettidabay aybee?


Xoossaa Kawotettay 1914n haariyoogaa doommiis.* Yesuusi Kawo gidi simmidi koyro Seexaanaanne daydanttata duge sa'au oliis. Seexaanay keehippe hanqettidi kumetta sa'an wolqqaama metuwaa ehiyoogaa doommiis. (Ajjuutaa 12:7-10, 12) He wodeppe doommidi, asaa naata ayye'ana giissiyaabay dariis. Olay, koshay, wurssiya harggeenne biittaa qaattay, Xoossaa Kawotettay mata wode kumetta sa'aa haaranaagau ‘malaata’ gidiaabatuppe amaridaageeta.

 *Luqaasa 21:7, 10, 11, 31 nabbaba.*

5. Xoossaa Kawotettay poliyobay aybee?

Alame yuushuwan sabbakiyo oosuwaa baggaara Xoossaa Kawotettay ubba biittan de'iya zawi bayna daro asay issippettaa medhanaadan oottiiddi de'ees. Miilooniyan qoodettiya ashkke asay Yesuusau haarettiiddi de'ees. Xoossaa Kawotettay sa'an de'iya iita siraataa xayssiyo wode eta ashshana. Hegaa gishshau, Xoossaa Kawotettaa haaruwan go'ettanau koyiya ubbay Yesuusau haarettiyoogaa tamarana koshshees.

 *Ajjuutaa 7:9, 14, 16, 17 nabbaba.*

Xoossay asaa naatussi koyro halchidobaa, Xoossaa Kawotettay 1,000 laytta gidдон polana. Kumetta sa'ay gannate gidana. Wursattan, Yesuusi Kawotettaa ba Aawaayyo zaaridi immana. (1 Qoronttoosa 15:24-26) Xoossaa Kawotettaabaa oossi yootana koyay?  *Mazamure 37:10, 11, 29 nabbaba.*

* Geeshsha Maxaafay 1914 xeelliyaaagan kaseti yootidobaara gayttidaagan aaho qofaa demmanau, *Geeshsha Maxaafay Nuna Ay Tamaariisii?* giya maxaafaa sinttaa 217-220 xeella.



8

Xoossay litabaanne Tuggaa Aybissi Paqqadidee?

1. litabay waani doommidee?

Sa'an iitabay doommidoy, Seexaanay koyro wordduwaa worddotido wode. Seexaanay koyro polo gidida kiitancha; shin "tuman gencibeenna." (Yohaannisa 8:44, NW) I, Yihoowa xallau bessiya goynu waa bau ekkana koyiis. Seexaanay koyro macaasee Hewaanissi worddo gididabaa yootiis; qassi Xoossaassi gidenan bau azazettanaadan o ammanttiis. Addaameekka Hewaaniira exatidi, Xoossaayyo azazettibeenna. Addaamee azazettenan aggidoogee tuggaanne hayquwaa kaalettiis.

📖 *Doomettaabaa 3:1-6, 19 nabbaba.*

Seexaanay, Hewaana Xoossau azazettennaadan yootido wode, Xoossay haariyo maataa bolli makkaliyoogaa doommiis. Asaa naatuppe daroti Xoossaa haaruwaa ixixidi, Seexaanaara exatidosona. Hegaa gishshau, Seexaanay 'ha sa'aa haariyaagaa' gidiis. 📖 *Yohaannisa 14:30; 1 Yohaannisa 5:19 nabbaba.*

2. Xoossay medhidoban paci de'ii?

Xoossay medhido ubbabay polo. Xoossay medhido asatinne kiitanchati, ayyo polo hanotan azazettana danddayoosona. (Zaarettido Wogaa 32:4, 5) Xoossay nuna, iitaa woy kehaa dooriidi oottiyo maatay de'iyoogetaa oottidi medhiis. Ha dooriyo maatay nuuni Xoossaa siiqiyoogetaa qonccissanaadan maaddees.

📖 *Yaaqooba 1:13-15; 1 Yohaannisa 5:3 nabbaba.*

3. Xoossay tuggaa hanno gakkanau paqqadidoy aybissee?

Yihooway ubbaa haariyo ba maataa bolli dendidida makkalaa amarida wodiyau danddayiis. Aybissi? Ay haaroyne a maadoy baynann asaa naata go'ennaagaa besanaassa. (Eranchchaa 7:29; 8:9) Asaa naatu 6,000 laytta taarikee,

Asaa naati bantta metuwaa qaarana danddayennaagaa akeekanaadan Xoossay asaayyo haaranau gidiya wodiya immiis



hegee tuma gidiiyoogaa qonccissiis. Asaa naatu haaroy olaa, danuwaa, pirdda pacaanne harggiyaa xayssana danddayibeenna.

📖 *Ermmaasa 10:23; Roome 9:17 nabbaba.*

Asaa naatu haaruwaappe dumma hanotan, Xoossau eeno giidi haarettiyaageeta a haaroy go'ees. (Isiyaasa 48:17, 18) Yihooway mata wode asa haaro ubbaa xayssana. Xoossay banttana haaranaadan koyiya asaa xallay sa'an de'ana.

—Isiyaasa 11:9. 📖 *Daaneela 2:44 nabbaba.*

4. Xoossaa danddayay nuussi ayba hanotay de'anaadan oottidee?

Seexaanay, Yihoowayyo kumetta wozanaappe oottiya uri baawa giis. Hegee worddo gidiiyoogaa bessana danddayaasa! Yihoowa danddayay, nuuni haarettana koyiyoy Xoossaassakko woy asassakko bessanaadan oottiis. Nu de'oy nuuni dooriyoy awugaakko bessees. 📖 *llyooba 1:8-12; Leemiso 27:11 nabbaba.*

5. Xoossau haarettanau waani doorana danddayiyoo?

Xoossaa Qaalaa, Geeshsha Maxaafaa maaraadan tumu goynuwwaa goynnikko, nuuni haarettiyoy Xoossaassa gidiiyoogaa bessoos. (Yohaannisa 4:23) Yesusaagaadan, nuunikka polotikaaninne olan gelennan aggyoogan, Seexaanaa haaruwaa koyennaagaa bessana danddayoos.

📖 *Yohaannisa 17:14 nabbaba.*

Seexaanay ba wolqqaa nuuni shori bayinna iita oosuwaa oottanaadan denttettanau go'ettees. Nuuni hegaa mala-baappe haakkiyo wode, nu laggetinne nu dabboti nuna baceessana woy ixanna danddayoosona. (1 PHeexiroosa 4: 3, 4) Hegaa gishshau, nuuni bessiya dooruwaa doorana koshshees. Nuuni Xoossaa siiqiya asatuura laggetanee? Qassi Xoossay ba aadhida eratettaaninne siiquwan immido higgiiyaa azazettanee? Hegaadan oottikko, Xoossay koyiyoogaadan oottiya issi urinne de'enna giidi, Seexaanay yootidobay worddo gidiiyoogaa bessoos.

📖 *1 Qoronttoosa 6:9, 10; 15:33 nabbaba.*

Xoossay asaa naata siiqiyoogee iitabaynne tuggay xayanaagaa bessees. Hegaa ammaniyoogaa qonccissiyaageeti sa'an merinau ufayssan de'ana. 📖 *Yohaannisa 3:16 nabbaba.*

Nuuni
dooriyobay
Xoossau
haarettanau
koyiyoogaa woy
koyennaagaa
bessees




9


Intte Soo Asay Waanidi Ufayttana Danddayii?



1. Aqo de'oy so asaa ufayssau keehi koshshiyaaba gididoy aybissee?


Mishiraachoy so asay ufayttanaadan koyiya, ufayttiya Xoos-saa, Yihoowappe yees. (1 Ximootiyoosa 1:11, NW) Aqo de'uwaa doomissidaagee a. Higgee azaziyo maaran ekkiyoo-geenne geliyoogee naata dichanau lo"o hanotay de'anaadan oottiyo gishshau, so asaa ufayssau keehi koshshiyaaba. Kiris-ttaaneti aqo oyqqiyoogaara gayttidaagan bantta biittaa higgi-yaa bonchana koshshees.  *Luqaasa 2:1, 4, 5 nabbaba.*

Xoossay aqo de'uwaa waati xeellii? I azinaynne machiyaa shaahettennan de'anaadan koyees. Azinaynne machiyaa issoy issuwau ammanettidaageeta gidanaadan Yihooway koyees. (Ib-raawe 13:4) I azinaynne machiyaa paraman shaahettiyoogaa ix-xees. (Milkkiyaasa 2:16) SHin aqo laggee wodiraa laammiyaaba gidikko, Kiristtaaneti paraman shaahettidi haranttuwaa ekki-yoogaa woy geliyoogaa diggenna.

 *Maatiyoosa 19:3-6, 9 nabbaba.*

2. Azinaynne machiyaa issoy issuwaa waati oyqqana koshshii?

Azinaynne machiyaa issoy issuwaa maaddiyaageeta gidanaa-dan oottidi Yihooway medhiis. (Doomettaabaa 2:18) Azinay so asau huuphe gidiyi gishshau, ba soo asau asatettan koshshi-yaabaa kunttiyooagaaninne Xoosaaabaa eta tamarriisiiyoogan sintta xeera gidana koshshees. I ba go"aa aggidi ba maccaasiyo siiqiyaagaa gidana bessees. Azinaynne machiyaa issoy issuwaa siiqananne bonchana koshshees. Ubba azinatinne machoti polo gidenna gishshau, issoy issuwaa balaa atto giyoogee aqo de'uwan ufayttanau keehippe koshshiyaaba.

 *Efisoona 4:31, 32; 5:22-25, 33; 1 PHeexiroosa 3:7 nabbaba.*

3. Aqo de'oy ufayssana xayikko shaahettana bessii?

Aqo de'uwan metoy merettikko, intte naa"aykka issoy issu-waa siiquwan oyqqanau baaxetana koshshees. (1 Qoronttoosa

13:4, 5) Xoossaa Qaalay, aqo de'uwan metoy merettiyo wode ubban shaahettanaadan minttettenna.

📖 1 Qoronttoosa 7:10-13 nabbaba.

4. Naatoo, intte ay oottanaadan Xoossay koyii?

Yihooway intte ufayttanaadan koyees. Intte yelagatettan waani ufayttana danddayiyaakko, i lo"o zoriyaa zorees. Intte inttenu yelidaageetussi de'iya aadhida erattaappenne eraappe go'ettanaadan i koyees. (Qolasiyaasa 3:20) Yihooway intte inttenu Medhidaagaunne a Na'au oottiyoogankka ufayttanaadan koyees. 📖 *Eranchchaa 11:9–12:1; Maatiyoosa 19:13-15; 21:15, 16 nabbaba.*

5. Yelidaageetoo, intte naati ufayttana danddayiyooy ayba ogiyaanee?

Intte naatuzzi qumay, keettayenne maayoy de'anaadan intte minnidi oottana bessees. (1 Ximootiyoosa 5:8) SHin intte naati ufayttana mala, eti Xoossaa siiqanaadaaninne appe tamaaraanaadankka intte eta tamarissana koshshees. (Efisoon 6:4) Xoossaa siiqiyooogan intte leemiso gidiiyoogee eta keehippe maaddana danddayees. Intte Xoossaa Qaalaa go'ettidi tamarissiiyoogee intte na'aa qofay suure gidanaadan maaddana danddayees. 📖 *Zaarettido Wogaa 6:4-7; Leemiso 22:6 nabbaba.*

Intte intte naata minttettiyoogeenne galatiyoogee eta go"ees. Seerayenne zoreekka etau koshshees. Hegaadan loohissiiyoogee, eti ufayttanaadan oottiya eeshshay etau de'enna mala maaddes. (Leemiso 22:15) Gidikkokka, qareti baynna ogiyan seerana koshsheenna. 📖 *Qolasiyaasa 3:21 nabbaba.*

Yihoowa Markkati yelidaageetanne naata keehi go"iya daro maxaafata giigissidosona. Ha maxaafati Geeshsha Maxaafaa amppidi giigissidobata. 📖 *Mazamure 19:7, 11 nabbaba.*



Tumu Goynuwaa Waata SHaakka Erana Danddayay?



1. Tumu haymaanootee issuwaa xallee?

Yesuusi bana kaalliyaageeta tumu haymaanoote xallaa ta-maarissiis. Hegee merinaa de'uwau efiya oge mala. Yesuusi he ogiyaara 'biya asati amaridaageeta' gidiyoojaa yootiis. (Maatiyoosa 7:14) Xoossay ufayttiyoy, ba Qaalay, Geeshsha Maxaafay yootiyo maaran goynniyaageetu xallaana. Tumu ogiyan goynniyaageeti ubbay issippetettan issi ammanuwaa kaalloosona.

📖 *Yohaannisa 4:23, 24; 14:6; Efisoona 4:4, 5 nabbaba.*

“Wordduwaa hananabaa yootiyaageetuppe naagettite.”

—MAATIYOOSA 7:15.

2. Yesuusi worddo Kiristtaanetubaa woygidee?

Worddo hananabaa yootiyaageeti Kiristtaane ammanuwaa mooranaagaa Yesuusi yootiis. Eti tumu ogiyan goynniyaageeta milatana danddayoosona. Eti banttana Kiristtaane goosona. SHin hejaa

mala asati tumu Kiristtaane gidennaagaa akeekana danddayaasa. Ayba ogiyan? Tumu Kiristtaaneti tumu ogiyan goynniyaageetu xalla; eta lo"o eeshshaaninne oosuwan asay eta shaakkidi erana danddayees. 📖 *Maatiyoosa 7:13-23 nabbaba.*

3. Tumu goynuwaa goynniyaageeta waata shaakka erana danddayay?

SHaakkidi eranau maaddiya hagaappe kaallidi de'iya ichashubata akeeka:

■ **Tumu goynuwaa goynniyaageeti Geeshsha Maxaafay Xoossaa Qaalaa gidiyoo gishshau bonchoosona.** Eti Geeshsha Maxaafay yootiyoogaadan de'anau baaxetoosona. Yaatiyo gishshau, tumu haymaanootee asa qofaa

“Xoossaa eriyoo-gaa qoncciyaa yootoosona; shin eti . . . bantta oosuwan a erokko goosona.”

—TIITU 1:16.


tamaarissiya haymaanootiyaappe dumma. (Maatiyoosa 15: 7-9) Tumu ogiyan goynniyaageeti bantta tamaarissiyooabaara moggidi de'oosona.


 *Yohaannisa 17:17; 2 Ximootiyoosa 3:16, 17 nabbaba.*

■ **Yesuusa tumuppe kaalliyaageeti Yihoowa giya Xoossaa sunntaa bonchoosona.** Yesuusi Xoossaa sunntaa erissiyoogan a sunntaa bonchiis. I asay Xoossaa eranaadan maaddiis; qassi Xoossaa sunntay anjettana mala eti woossanaadan tamaaris-siis. (Maatiyoosa 6:9) Neeni de'iyo heeran, Xoossaa sunntaa erissiya haymaanootee awugee?


 *Yohaannisa 17:26; Roome 10:13, 14 nabbaba.*

■ **Tumu Kiristtaaneti Xoossaa Kawotettaabaa sabbakoo-sona.** Xoossay Kawotettaa mishiraachuwa sabbakanaadan Yesuusa kiittiis. Asaa naatu meto ubbaa giigissanay Xoossaa Kawotettaa xalla. Yesuusi hayqqana gakkanaassi hegaabaa ubbatoo yootiis. (Luqaasa 4:43; 8:1; 23:42, 43) Bana kaalliyaageeti Xoossaa Kawotettaabaa sabbakanaagaa yootiis. Issi uri neekko yiidi Xoossaa Kawotettaabaa yootiyaaba gidikko, a haymaanootee ayba gidana gaada qoppay?

 *Maatiyoosa 24:14 nabbaba.*


■ **Yesuusa kaalliyaageeti ha iita alamiyaa bagga gidokkona.** Eti polotikaaninne deretettan denddiya ooshshan gelenna gishshau, eta shaakkada erana danddayaasa. (Yohaannisa 17:16; 18:36) Qassi eti ha alamiyaa iita oosuwaanne qofaa kaallokkona.  *Yaaqooba 4:4 nabbaba.*

■ **Tumu Kiristtaaneti issay issuwara keehi siiqettoosona.** Eti ubba zariyaa bonchana koshshiyooгаа Xoossaa Qaalaappe tamaaroosona. Worddo haymaanootee olay denddiyo wode darotoo exatiyaaba gidikkonne, tumu goynuwa goynniyaageeti exatokkona. (Mikiyaasa 4:1-3) SHin tumu Kiristtaaneti harata maaddanaunne minttettanau bantta wodiyaanne aquwaa uuzettennan go'ettoosona.

 *Yohaannisa 13:34, 35; 1 Yohaannisa 4:20 nabbaba.*

4. Tumu haymaanootiyya shaakka erana danddayay?

Ubba wode Xoossaa Qaalaappe tamaarissiya, Xoossaa sunntaa bonchiyaanne asaa naatu meto ubbaa giigissanay Xoossaa Kawotettaa xalla gidiyoogaa tamaarissiya haymaanootee awugee? Issay issuwaa siiqiya asaynne olaa olettenna asay de'iyo haymaanootee awugee? Ne zaaroy aybee?

 *1 Yohaannisa 3:10-12 nabbaba.*



Xoossaa Higgee Nuna Go''iyoy Ayba Ogiyaanee?



1. Nuussi kaaletoy koshshiyoy aybisee?

Nuna Medhidaagee aadhida eratettan nuuppe keehi aadhees. I siiqo Aawa gidiyo gishshau, nuussi qoppees. Qassi nuuni a haaruwaappe kiyidi de'anaadan halchibeenna. (Ermmaasa 10:23) Hegaa gishshau, guutta naati bantta aawaa woy aayee kaaletuwaa kaallana koshshiyooagaan, nuuni ubbay Xoossaa kaaletuwaa kaallana koshshees. (Isiyaasa 48: 17, 18) Geeshsha Maxaafan de'iya higgee Xoossay immido kaaletuwaa oyqqiis. 2 Ximootiyoosa 3:16 nabbaba.

Yihoowa higgee ha wodiyan nuuni lo''o de'uwaaw de'iyoo ogiyya tamarissee; qassi sinttappe nuuni merinaa anjuwaa waati demmana danddayiyaakko yootees. Xoossay nuna medhido gishshau, nuuni a kaaletuwaa ufayssan kaalliyoogee bessiyaa-ba. Mazamure 19:7, 11; Ajjootaa 4:11 nabbaba.

2. Xoossaa Qaalay nuuyyo kaaletto gidiyoy ayba ogiyaanee?

Nuuni duma duma hanotan ay oottanaadan Xoossay koyiyaakko Geeshsha Maxaafan de'iya issi issi qofaappe akeekoos. SHin Geeshsha Maxaafan de'iya higgetti issi issibaa xallau go''oosona. (Zaarettido Wogaa 22:8) Geeshsha Maxaafay yootiyo issibay, nuuni ay oottanaadan minttettiyaakko akeekanau adussi qoppa koshshees. (Leemiso 2:10-12) Leemisuwau, Geeshsha Maxaafay de'oy Xoossaa imota gidiyooгаа yootees. He tumay nuna kaalettana danddayees. Hegee nuuni nu de'uwaunne hara asaa de'uwaaw naagettanaadan oottees.

Oosuwaaw 17:28 nabbaba.

Geeshsha Maxaafay yootiyoobay nu de'uwaunne hara asaa de'uwaaw nuuni naagettanaadan oottiyooy ayba ogiyaanee?

—MAZAMURE 36:9.

3. Ubbaappe aadhiya naa''u azazoti awugeetee?

Yesuusi ubbaappe aadhiya naa''u higgeta yootiis. Koyroogee asaa naati Xoossaa eranaadan, a siiqanaadaaninne ammanettidi

ayyo oottanaadan merettidoogaa qonccissees. Hagee nuuni kuuyiyo kuushsha ubban sinttayana koshshiyooba. (Leemiso 3:6) Ha kaaletuwaadan de'iyaageeti Xoossaara dabbotoosona, tumu ufayssaanne merina de'uwaa demmoosona.

📖 *Maatiyoosa 22:36-38 nabbaba.*

Naa"antooqee qassi hara asaara saruwan de'anaadan oottees. (1 Qoronttoosa 13:4-7) Ha higgiyau azazettiyoogee Xoossay xeelliyo ogiyan nuuni asaa xeellanaadan maaddees.

📖 *Maatiyoosa 7:12; 22:39, 40 nabbaba.*

4. Xoossaa Higgee nuna waatidi go"ii?

Geeshsha Maxaafaa higgee so asay siiquwan waanidi issip-petettay de'iyooqaa gidanaakko tamarisseees. (Qolasiyaasa 3: 12-14) Xoossaa Qaalay, hara kaaletuwaa, giishin, aqo de'oy laa-lettana bessennaagaa tamarisseyoogankka so asay qohuwaap-pa naagettanaadan maaddees. 📖 *Doomettaabaa 2:24 nabbaba.*

Geeshsha Maxaafay yootiyooqaadan de'iyooqan, asatettaa-ninne qofan nuna qohiyaabaappe naagettana danddayoos. Leemisuwau, ootissiyaageeti Geeshsha Maxaafay yootiyooqaadan ammanettiyaanne minnidi oottiya oosanchata darotoo koyoosona. (Leemiso 10:4, 26; Ibraawe 13:18) Xoossaa Qaalay nuuni de'uwau koshshiyaabay gidana giidi de'anaadaaninne aquwaappe aattidi Xoossaara de'iya dabbotaa xoqqu oottidi xeellanaadankka tamarisseees.

📖 *Maatiyoosa 6:24, 25, 33; 1 Ximootiyoosa 6:8-10 nabbaba.*

Xoossaa higgiaaadan de'iyooqee nuuni payya gididi de'anaadan maaddana danddayees. (Leemiso 14:30; 22:24, 25) Leemisuwau, mattottennaadan Xoossaa Qaalay yootiyooqaa azazettiyoogee woriya harggiyaappenne daafabaappe nuna naagees. (Leemiso 23:20) Ushshaa uyiyoogaa Yihooway diggennaba gidikkokka, likkiyan uyana koshshees. (Mazamure 104:15; 1 Qoronttoosa 6:10) Xoossaa higgee nuuni oottiyooba xalla gidennan, qoppiyoobaakka naagettanaadan tamarisseyoogan nuna go"ees. (Mazamure 119:97-100) Gidikkokka, tumu Kiristaaneti Xoossaa higgiyau azazettiyooy banttana go"iyooqaa xallaassa gidenna. Eti azazettiyooy Yihoowa bonchanau koyiyo gishshataassa. 📖 *Maatiyoosa 5:14-16 nabbaba.*




12

Neeni Xoossaakko SHiiqana Danddayiyoy Ayba Ogiyaanee?



1. Xoossay ubba asaa woosaa siyii?

Ubba asay woosan baakko shiiqanaadan Xoossay shoobbees. (Mazamure 65:2) Gidikkokka, i siyiyoy *ubba* asaa woosaa gidenna. Leemisuwau, ba machiyo qohiya uraa woosay xubetana danddayees. (1 PHeexiroosa 3:7) Qassi Israa'elati iita oosuwaa oottiyooqaa aggennan ixido wode, Xoossay eta woosaa siyibeenna. Woosay gita maata gidiyooqee qoncce. SHin wolqqaama nagaraa oottidaageetikka bantta nagaraappe simmikko, Xoossay eta woosaa siyees.

 *Isiyaasa 1:15; 55:7 nabbaba.*

2. Nuuni ayba ogiyan woossana koshshii?

Woosay nu goynuwaa shaaho gidiyo gishshau, nuuni nuna Medhidaagaa, Yihoowa xalaalaakko woossana koshshees. (Maatiyoosa 4:10; 6:9) Qassi nuuni polo gidenna gishshaunne Yesuusi nuuyyo hayqqido gishshau, a sunttan woossana koshshees. (Yohaannisa 14:6) Nuuni wozanan oyqqido qaalata woy xaafettidabaappe zaaretti zaarettidi woossanaadan Yihooway koyenna. Nuuni wozanappe woossanaadan koyees.

 *Maatiyoosa 6:7; Piliphisiyuusa 4:6, 7 nabbaba.*

Wozanaa gidдон woossiyo woosaakka nuna Medhidaagee siyana danddayees. (1 Sameela 1:12, 13) I nuuni ubba-too, giishin, wonttaara dendiyo wodenne omarssi zin"iyo wode, qumaa miyo wodenne nuna metoy gakkiiyo wode woossanaadan shoobbees.

 *Mazamure 55:22; Maatiyoosa 15:36 nabbaba.*

3. Kiristtaaneti issippe shiiqiyoy aybissee?

Nuuni Xoossaa ammanenna asaaranne i sa'an sarotettaa ehaanau gelido qaalaa qilliicciya asaara de'iyoy gishshau, Xoosaakko shiiqiyooqee metiyaaba gidana danddayees. (2 Ximooti-

yoosa 3:1, 4; 2 PHeexiroosa 3:3, 13) Yaatiyo gishshau, nu mala Kiristaanetuura shiiqiyooqan nuuni issoy issuwaa minttettiyoogee koshshiyaaba. 📖 *Ibraawe 10:24, 25 nabbaba.*

Xoossaa siiqiya asaara shiiqiyooqee nuuni Xoossaakko shiiqanaadan maaddees. Yihoowa Markkatu shiiqoti issoy issuwaa ammanuwan minettanau lo"o injje.

📖 *Roome 1:11, 12 nabbaba.*

4. Neeni Xoossaakko shiiqana danddayiyoy ayba ogiyaanee?

Neeni Yihoowa Qaalaappe tamaridobaa wotta denttada qoppiyoogan akko shiiqana danddayaasa. I oottidobaappe, a zoriyaappenne i gelido qaalaappe ay tamarana danddayiyaakko qoppa. Woosayenne wotti dentti qoppiyoogee Xoossaa siiqoyne a aadhida erattetay ay keena darokko nuuni akeekanau maaddees. 📖 *Yaasa 1:8; Mazamure 1:1-3 nabbaba.*

Neeni Xoossan ammanettiyaabanne a ammaniyaaba gidikko, akko shiiqana danddayaasa. SHin ammanoy ubbatoo haattaa ushshana koshshiyo ataakiltte mala. Ne ammanuwau gaaso gidiyaabata wotta denttada qoppiyoogan ubbatoo ne ammanuwaa minttana koshshees.

📖 *Maatiyoosa 4:4; Ibraawe 11:1, 6 nabbaba.*

5. Xoossaakko shiiqiyooqee nena go"iyoy ayba ogiyaanee?

Yihooway bana siiqiyaageetuyyo qoppees. Eta ammanuwaanne merinaa de'uwaa hidootaa xayssiyaabaappe eta naagana danddayees. (Mazamure 91:1, 2, 7-10) Nu payyattettaa qohiyaanne ufayssaa diggiya duussaappe nuuni haakkanaadan i zorees. Yihooway ubbaappe aadhiya de'o ogiyaa nuna tamarissees. 📖 *Mazamure 73:27, 28; Yaaqooba 4:4, 8 nabbaba.*



13

Haymaanooteti Waananee?



1. Ubba haymaanooteekka lo"oo?

Daro haymaanootetun Xoossaa ufayssanau koyiya ashkke asati de'oosona. Xoossay he asata be'ees, qassi etau qoppees. SHin issi issi asay haymaanootiyyaa go'ettidi iitabaa oottiyoogee azzanttiyaaba. (2 Qoronttoosa 4:3, 4; 11:13-15) Televizhiiniyaanne gaazeexaa malaban odettiyaagaadan, issi issi haymaanootee shabbirssaa, zariyan dummatiyoogaa gaasuwan asaa buttiyoogaanne olaa minttettees, qassi guutta naata qohiyoo-gaanne wolqqan etaara asho gaytotettaa poliyoo-gaa co"u gi xeellees. Hagee Xoossaa ammaniya ashkketa keehi azzanttiyaaba! 📖 *Maatiyoosa 24:3-5, 11, 12 nabbaba.*

Tumu haymaanootee Xoossaa bonchissee; shin worddo haymaanootee a azzanttees. Worddo haymaanootee Xoossaa-baanne hayqqidaageetubaa gujjiin, Geeshsha Maxaafan baynna worddobaa tamarisseees. SHin asay babaa tumaa eranaadan Yihooway koyees.

📖 *Hizqqeela 18:4; 1 Ximootiyoosa 2:3-5 nabbaba.*

2. Haymaanooteti waananee?

Xoossaa siiqoos giiddi, Seexaanaa alamiyaa siiqiya haymaanootetun Xoossay cimettana danddayenna. (Yaaqooba 4:4) Xoossaa Qaalay worddo haymaanoote ubbaa "Gita Baabiloo-no" yaagidi xeegees. Nohe wode Bashsha Haattaappe simmin worddo haymaanootee doommidooy beni Baabiloone katamaana. Asaa naata balettiyaanne huqqunniya haymaanootiyyaa Xoossay mata wode xayssana.


📖 *Ajjuutaa 17:1, 2, 5, 16, 17; 18:8 nabbaba.*


SHin alame yuushuwan worddo haymaanootiyyaa kaalliya ashkke asaa Yihooway dogibeenna. I tumaa tamarisseyoogan heгаа mala asata issippe shiishshiiddi de'ees.


📖 *Mikiyaasa 4:2, 5 nabbaba.*

3. Ashkke asay waatana bessii?

Tumaanne suure gididabaa dosiya asau Yihooway qoppees. Eti worddo haymaanootiyaappe kiyanaadan i yootees. Xoossaa siiqiya asay a ufayssiyaabaa oottanau koyees.


 *Ajjuutaa 18:4 nabbaba.*

Koyro xeetu layttan de'ida ashkke asay, kiitettidaageeti mishi-raachuwaaw yootido wode ufayssan siyiis. Eti halchoyenne hidoo-tay de'anaadan oottiya, ufayssiya de'o oge gidida oorattabaa Yihoowappe tamaridosona. Eti mishiraachuwaaw siyidi, bantta de'uwan Yihoowa kaseyido gishshau, ha wodiyan nuuyyo lo'o leemiso gidoosona.  *1 Tasalonqqa 1:8, 9; 2:13 nabbaba.*

Worddo haymaanootiyaappe kiyyidi, au goynnana yiaageeta Yihooway mokki ekkees. Yihooway siiquwan shoobbiyoogaa neeni siyiyaaba gidikko, au dabbo gidaasa; Yihoowayyo goynniya, siiqo so asaa yame gidaasa; qassi merinaa de'uwaaw demmaas.  *Marqoosa 10:29, 30; 2 Qoronttoosa 6:17, 18 nabbaba.*

4. Xoossay asaa ubbaa ufayssiyaabaa oottanay ayba ogiyaanee?

Worddo haymaanootee mata wode xayanaagee mishiraa-cho. Hegee sa'a ubban de'iya asaa huqqunnaappe woppissana. Hegaappe simmin worddo haymaanootee asay shaahettanaadan oottennanne asaa balettenna. Qoppiya mereta ubbay issippe issi tumu Xoossau goynnana.

 *Ajjuutaa 18:20, 21; 21:3, 4 nabbaba.*

Tumu
haymaanootee
asay issippetettaa
medhanaadan
oottes



14

Xoossaayyo Dirijjitee De'iyoy Aybissee?



1. Xoossay beni Israa'eelata daraajjayidoy aybissee?

Xoossay Abrahaama zerettata issi dere ootti daraajjayidi, etau higgiiyaa immiis. I he deriyaa “Israa'eela” giidi sunttiis; qassi tumu goynuwaanne ba qaalaa naaganaadan etau aawatettaa immiis. (Mazamure 147:19, 20) Hegaa gishshau, sa'aa asa ubbay Israa'eelatu baggaara go'ettees.

📖 *Doomettaabaa 22:18 nabbaba.*

Xoossay Israa'eelati ba markka gidanaadan dooriis. Asay Xoossaa higgiiyaa azazettiyoogan waani go'ettana danddayiyaakko eta taarikee qonccissees. (Zaarettido Wogaa 4:6) Yaatiyo gishshau, Israa'eelatu baggaara hara asay tumu Xoossaabaa erana danddayees. 📖 *Isiyaasa 43:10, 12 nabbaba.*

2. Tumu Kiristaaaneti daraajjayettana koshshidoy aybissee?


Guyyeppe, Israa'eelati Xoossan nashettiyoogee attin, Yihoo-way eta sohuwan Kiristaaane gubaa'iyaa essiis. (Maatiyoosa 21:43; 23:37, 38) Ha wodiyan, tumu Kiristaaaneti Israa'eelatu gishshaa Yihoowa markka gididi oottoosona.

📖 *Oosuwaa 15:14, 17 nabbaba.*


Yesuusi bana kaalliyaageeti citan Yihoowabaa markkattanaadaaninne ubba biittaappe asaa erissiyoo ashkkara oottanaadan yootiis. (Maatiyoosa 10:7, 11; 24:14; 28:19, 20) Ha siraatay xayana haniyo ha wodiyan, he oosoy wuranau matattiis. Hanno gakkanau hani erenna hanotan, Yihooway ubba dere asaappe miilooniyan qoodettiyaageeta tumu goynuwan issippe shiishshiis. (Ajuuutaa 7:9, 10) Tumu kiristaaaneti issoy issuwaa minttettanaunne maaddanau daraajjayettidosona. Eti alame yuushuwan bantta shiiqotun Geeshsha Maxaafaappe issi mala timirttiyaa tamaaroosona. 📖 *Ibraawe 10:24, 25 nabbaba.*

3. Ha wodiyan Yihoowa Markkату dirijjitee doommido yaba ogiyaanee?


Geeshsha Maxaafaa tamaareti daro wodiyaу dogettida Geeshsha Maxaafaa tumaa, 1870 heeran zaarettidi akeekiyoogaa doommidosona. Haggaazanaadan Yesuusi Kiristtaane gubaa'iyaa darajjayidoogaa eti eridosona. Yaatiyo gishshau, eti zamachan Kawotettaabaa alame yuushuwan sabbakiyoogaa doommidosona. Eti 1931n Yihoowa Markkata giya sunttan xeesettiyoogaa doommidosona.

 Oosuwaa 1:8; 2:1, 4; 5:42 nabbaba.


4. Yihoowa Markkati daraajjayettido yaba ogiyaanee?

Koyro xeetu layttan, daro biittan de'iya Kiristtaane gubaa'eti Yesuusi gubaa'iyau Huuphe gidioogaa ammanidi ekkida, bol-laara heemmiyaagaa kaaletuwan go'ettidosona. (Oosuwaa 16: 4, 5) Ha wodiyan kka hegaadan, Yihoowa Markkati kaymida cimati de'iyо Bollaara Heemmiyaagaa kaaletuwan go'ettoosona. Geeshsha Maxaafaa xanna'anau maaddiya xuufeta 600ppe dariya qalan birshshanau, attamanaunne gubaa'etussi gattanaу Yihoowa Markkату macara birotun oottiyoobaa Bollaara Heemmiyaagee kaallees. Yaatiyoogan, Bollaara Heemmiyaagee 100,000ppe dariya gubaa'eta Geeshsha Maxaafaa qofan minttettesinne kaalettees. Ubba gubaa'etun, giday de'iyо attuma asati gubaa'e cima gididi oottoosona. He asati Xoossaa wudiyaа siiquwan heemmoosona.  1 PHeexiroosa 5:2, 3 nabbaba.

Yihoowa Markkati mishiraachuwaа sabbakanaunne erissiya ashkkara oottanau daraajjayettidosona. Kiiyttidaageeti oottidoogaadan nuuni sooppe soo biidi sabbakoos. (Oosuwaa 20: 20, 21) Tumaa wozanappe siiqiyaageeti Geeshsha Maxaafaa xanna'anaadankka shoobboos. Yihoowa Markkату dirijjitee issibaa oottanau daraajjayettidaba xalla gidenna. Nuuni siiqiya Aaway de'iyо so asa. Nuuni issoy issuwau qoppiya ishanttanne michontta. (2 Tasalonqqe 1:3) Yihoo-wa asay Xoossaa ufayssiyaabaa oottanaunne hara asaa maaddanau daraajjayettido gishshau, eti keehi ufayttiya asa.

 Mazamure 33:12; Oosuwaa 20:35 nabbaba.

Gujo qofaa demmanau,
Geeshsha Maxaafay Nuna Ay Tamaarissii?
giya maxaafaa shemppo 19 xeella.



Neeni Yihoowabaa Tamaariyoogaa Aggana Koshshennay Aybissee?



1. Aggennan Geeshsha Maxaafaa xanna'iyoogee nena go'iyoy ayba ogiyaanee?

Geeshsha Maxaafan de'iya ha baaso timirtteta akeekido gishshau, Yihoowa kaseegaappe aaruwan siiqaasa giidi qop-poos. Ha siiquwaa minttiyaabaa ubbatoo oottana koshshees. (1 PHeexiroosa 2:2) Neeni merinaa de'uwaa demmana danddayiyoy Xoossaa Qaalaa xanna'iyooogan ubbatoo akko shiiqi-yoogaana. 📖 *Yohaannisa 17:3; Yihudaa 21 nabbaba.*

Neeni kaseegaappe aaruwan Xoossaa eriyoy wode, ne ammanoy minnana. Neeni Xoossaa ufayssanau ammanoy maaddes. (Ibraawe 11:1, 6) Ammanoy neeni nagaraappe simmanaadaa-ninne ne de'uwan issi issibaa laammanaadan maaddes. 📖 *Oosuwaa 3:19 nabbaba.*

2. Neeni Xoossaa eriyoogee harata waati maaddana danddayii?

Neeni tamaaridobaa haratuyyo yootanaagee erettidaagaa; nuuni ubbay mishiraachuwaa yootiyooogan ufayttoos. Geeshsha Maxaafaa aggennan xanna'iyooogan, ne ammanuwaabaanne mishiraachuwaa yootanau Geeshsha Maxaafaa waata go'etta-naakko akeekaasa. 📖 *Roome 10:13-15 nabbaba.*

Daro asay mishiraachuwaa odiiyoogaa doommiyoy ba lag-giyau woy dabbuwau yootiyooogaana. SHin akeekancha gida. Eta haymaanootee likke gidennaagaa yootiyooogaappe, Xoossay ehaanau qaalaa gelidobaa yoota. Qassi, asay darotoo neeni yootiyooobaappe aaruwan ne eeshshan garamettiyoogaa hassaya. 📖 *2 Ximootiyoosa 2:24, 25 nabbaba.*

3. Neeni ayba maataa demmana danddayay?

Xoossaa Qaalaa xanna'iyoogee neeni ayyaanaaban diccanaa-dan maaddes. Wurssettan, neeni Yihoowaara dumma dabbo-

Yihoowaara dumma dabbotaa medhana danddayaasa



taa medhana danddayaasa. Qassi a soo asaa yame gidana danddayaasa. 📖 2 Qoronttoosa 6:18 nabbaba.

4. Neeni aggennan diccana danddayiyoy ayba ogiyaanee?

Xoossaa Qaalaa aggennan xanna'yoogan ayyaanaaban diccana danddayaasa. (Ibraawe 5:13, 14) *Geeshsha Maxaafay Nuna Ay Tamaarisii?* giya maxaafaa go'ettidi, nena Geeshsha Maxaafaa xanna'issanaadan Yihoowa Markkatuppe issuwaa oycha. Xoossaa Qaalaa loytta tamaariyo wode, ne de'oy keehi injjetana. 📖 *Mazamure 1:1-3; 73:27, 28 nabbaba.*

Mishiraachoy ufayttiya Xoossaa, Yihoowappe yees. Neeni a asatukko shiiqiyoogan akko shiiqana danddayaasa. (Ibraawe 10:24, 25) Yihoowa ufayssanau aggennan baaxetiyoogan, tumu de'uwaa, giishin merinaa de'uwaa demmanau koshshiyaabaa oottaasa. Xoossaakko shiiqiyoogee neeni oottana koshshiyo aybippenne aadhiyaaba. 📖 1 Ximootiyoosa 1:11; 6:19 nabbaba.

Geeshsha Maxaafay
Nuna Ay Tamaarisii?



Ha maxaafaa
attamettidaagaan
www.jw.org/wal
sayttiyan xeetan
qoodettiya qaalan
demmana
danddayaasa

NEENI ERANAU
KEEHI KOYIYOY
AWUGEE?

1



Mishiraachoy
Aybee?

2




Xoossay Oonee?

3



Tumuppe
Mishiraachoy
Xoossaappe Yii?

4



Yesuus Kiristtoosi
Oonee?

5




Xoossay Sa'au Ay
Halhidee?

6



Hayqqidaageetussi
Ayba Hidooti De'ii?

7



Xoossaa
Kawotettay
Aybee?

8



Xoossay litabaanne
Tuggaa Aybissi
Paqqadidee?

9



Intte Soo Asay
Waanidi Ufayttana
Danddayii?

10



Tumu Goynuwaa
Waata SHAakka Erana
Danddayay?

11



Xoossaa Higgee
Nuna Go''iyoy Ayba
Ogiyaanee?

12



Neeni Xoossaakko
SHiiqana
Danddayiyoy Ayba
Ogiyaanee?

13



Haymaanooteti
Waananee?

14



Xoossaayyo
Dirijjitee De'iyoy
Aybissee?

